

17 Rhagfyr 2024

Dr Ioan Matthews  
Prif Weithredwr  
Y Coleg Cymraeg Cenedlaethol  
Y Llwyfan  
Heol y Coleg  
Caerfyrddin  
SA31 3EQ

Annwyl Ioan,

Diolch am rannu eich cyngor cyntaf manwl ac ystyriol ar adeg mor arwyddocaol yn natblygiad ein sefydliad, wrth inni ddatblygu ein Cynllun Strategol cyntaf. Yn arbennig, hoffwn ddiolch ichi hefyd am yr ymgysylltiad cadarnhaol a gawsom gyda chi er sefydlu Medr, a'r modd rydych chi wedi mynd ati i ddatblygu'r cyngor hwn. Mae'n glir ein bod yn rhannu'r un gwerthoedd o ran cydweithio, a'r un uchelgeisiau i gynyddu'r galw am addysg cyfrwng Cymraeg a chyfranogiad yn hynny.

Mae ein Bwrdd wedi ystyried eich cyngor yn fanwl yn nau o'i gyfarfodydd diweddar ac wedi derbyn y prif argymhelliad, sef y dylai Medr ddatblygu Cynllun Cenedlaethol ar gyfer y Gymraeg ar draws y sector addysg drydyddol. Ein huchelgais yw y bydd y Cynllun Cenedlaethol hwn yn: cefnogi cynnydd yn y galw am addysg drydyddol cyfrwng Cymraeg a chyfranogiad yn hynny, yn galluogi llwybrau di-dor ar gyfer addysg cyfrwng Cymraeg, ac yn creu amgylchedd lle anogir pob dysgwr mewn addysg drydyddol i feithrin, cynnal a defnyddio'i sgiliau Cymraeg.

Adlewyrchwyd yr argymhelliad hwn yn y Cynllun Strategol a gyflwynwyd gennym yn ddiweddar i Weinidogion Cymru. Fel y gwyddoch, mae'n rhaid i'n Cynllun Strategol gael ei gymeradwyo gan y Gweinidogion, ac rydym yn disgwyl clywed ganddynt yn y Flwyddyn Newydd. Yn amodol ar gymeradwyo ein Cynllun Strategol, rydym yn gobeithio dechrau gweithio gyda chi ac ystod o randdeiliaid eraill i ddatblygu Cynllun Cenedlaethol yn y misoedd nesaf drwy gydweithredu'n unol â'r hyn a nodwyd yn eich cyngor. Bydd datblygu'r Cynllun Cenedlaethol yn ein galluogi i roi ystyriaeth lawn a manylach i'ch cyngor, wrth inni archwilio'r dulliau gorau o sicrhau'r canlyniadau cadarnhaol hynny i ddysgwyr a chymunedau yng Nghymru o ran y Gymraeg.

Byddaf yn gofyn i gydweithwyr drefnu cyfarfod yn y Flwyddyn Newydd inni ddechrau trafod proses ar gyfer datblygu'r Cynllun Cenedlaethol.

Rydym yn croesawu gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg, ac ni fydd gohebu yn Gymraeg yn arwain at oedi.


We welcome correspondence in Welsh. Any correspondence in Welsh will be answered in Welsh, and corresponding in Welsh will not lead to a delay in responding.

2 Cwr y Ddinas  
Stryd Tyndall  
Caerdydd CF10 4BZ

2 Capital Quarter  
Tyndall Street  
Cardiff CF10 4BZ

Edrychwn ymlaen i barhau â'n perthynas gadarnhaol â chi ar draws pob agwedd ar ein gwaith i hyrwyddo addysg drydyddol cyfrwng Cymraeg dros y misoedd a'r blynyddoedd nesaf.

Yn gywir



**Simon Pirotte**  
**Prif Swyddog Gweithredol**  
**Medr**